



Kinguaassiuutitigut meeqqanik atonerluisoqarsimatillugu pineqaatissiisarnep sakkortusinissaanik Nunatsinni unnerluussisussaataasut kaammattorneqarnissaat siunertaralugu Naalagaaffeqatigiinnermi oqartussaasut saaffigineqarnissaannik Naalakkersuisut peqquneqarnissaannik Inatsisartut aalajangiiffisassaattut siunnersuut.

(Inatsisartunut ilaasortaq Sofia Geisler, Inuit Ataqtigiit)
(Siullermeerneqarnera)

Aallarniutugalugu Inatsisartunut ilaasortaq Sofia Geisler-imut qujarusuppunga uunga siunnersuummut, Demokraatiniik tapersorneqartumut.

Meeqqanik kinguaassiuutitigut atonerluineq isumakkeerfigineqarsinnaangilaq unitsittariaqarporlu! Meerartagut nunatta isumalluutissaanni pingaarnersaapput. Meeqqammi inuiaqatigiinnik siunissami ingerlatitsisussaapput.

Meeqqanik kinguaassiuutitigut atonerluisarnermut millisaanissamut nikeriarnissaq pingartoq tassaavoq ullumikkumut naleqqiullugu pineqaatissiissutinik sakkortunernik pilersitsinikkut. Ilumoorinnaangilaq meeqqamik kinguaassiuutitigut atonerlueriarlutik qaammataluinnanguit isertitsivimmeeriarlutik utimut illoqarfigisami angalaaqqissinnaangortarnerat. Tamanaa ILIUUSEQARFIGISARIAQARPARPUT!

Meerartagut illersortariaqarpagut tassungalu akiuunnissatsinnut siuttoorusuppugut. Meerartagut, nunarput siunissarpullu pillugu.

Inoqativut amerlavallaat annilaangasarput aqqusinermi pinerlussimasortik naapinnissaanut. Ajoraluartumik immaqa aqqissuussaansinni pineqaatissiseeriaaserput aqqutigalugu isaasalerlugu akuerisaratsigu.

Taamaammallu tulluussimaarnarpoq ullumi inuiaqatitsinnut nalunaaruteqarsinnaagatta soorunami tapersorsoratsigit aammalu ullumermiik annertunerujummik illersornissaannut kissaateqaratta.

Killiliisariaqalerpugut takutillugulu qanorluunniit meeqqanik inersimasunilluunniik kinguaassiuutitigut atonerluineq akuerinnginniatsigu.

Siunnersuut aappassaaneerneqannginnerani Inatsisinut Ataatsimiititaliamut sammineqarnissaanut innersuupparput.